

北京圖書館 編

北京圖書館藏珍本
年譜
叢刊

第 167 冊


北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 167 冊



第一六七冊目錄

曾忠襄公年譜榮哀錄二卷		一
太學生段公斗垣年譜		二四七
清麓年譜		二七一
賀清麓先生年譜		四六九
王壯武公年譜		六一三

曾忠襄公榮哀錄二卷

長沙蕭榮爵編輯

衡山李蔚然

湘鄉彭熙文

湘鄉葛楚珍

善化羅玉藻

長沙劉啟蕃

湘陰李長俊參校

零陵
蔣子楷繕
許寅軒刊

曾忠襄公榮哀錄卷上

特贈太傅祭文

朕惟彤弓寵錫旣炳績於旂常丹旄神歸宜升香於俎豆溫綸
用賁清醴斯陳爾原任兩江總督一等威毅伯贈太傅曾國荃
翼序通經戎旃投筆才儲大將能接要於孫吳德媿難兄遂齊
蹤於方召始建旗乎湘渚繼弭節乎江潯氣懾鯨鯢威申貔虎
戍通雷岸江淮之界方釐陣薄雪山瀟霍之塗頓啟爰殲巨憝
逆克堅城固已績著上游勲隆開府疊膺異數洊陟崇階泊乎
楫櫂南洞旌旗東指蟻封迅埽前凌聚寶之山虎穴深探直抵
長干之里運奇決勝犁窟擒渠統率楚師肅清江表遂膺茅土

礪山申誓於信圭兼昇封疆淞水遙持夫英蕩撫綏西晉拯饑而絳縣汎舟筦任東河下楫而黃流順軌紆籌宏遠碩畫淵長厯典封圻允稱柱石復督師於榆塞正率屬於秩宗旋以南邦擅襟帶之雄東海扼波濤之險俾開鈴閣坐鎮金陵近悅遠來鱗屋靖搏桑之氣民懷吏畏口碑騰棠棣之輝介遐齡而珍物寵頒舉慶典而宮銜特晉方冀蓋勳永賴繁祉長延遽覽遺章彌深愴念旣帑金之致賻更祠宇之推恩贈太傅於崇班錫諸孫以渥澤象其行誼諡曰忠襄特遣重臣俾光祀典嗚呼經猷濟世實資杞梓之卿材功德在民允荷馨香之盛禮靈其來格式克欽承

御祭文

夫雲雷讚業惟戡奠之垂勳辰昂淪精乃機祥之應識是以鼓
鼙在耳不盡懷思竹帛有書宜崇褒異旣加恩而遣奠仍考禮
而薦馨爾原任兩江總督一等伯曾國荃處習儒書出宏武略
以明經而投筆從伯氏而執殳領江鄂之偏師十城連下殲皖
潯之悍寇一面獨當疊上軍勞洊超方任斯則吳頭楚尾狐尙
篝鳴蔣阜秦淮虎猶嶠負爰定長圍之策伯仲偕行卒成不世
之功東南大定特懋酬庸於茅胙仍資宣力於瓜圻汎舟拯山
右之饑授鉞息嶺南之警泊乎攝春官爲宗伯秩敘有經任江
左以夷吾山河無恙塵消壁壘猶存細柳之營澤潤閭閻重芟

甘棠之舍總巖疆而坐鎮罔懈匪躬迫晚歲之沈疴不忘執掌
每懷勤績期爾頤齡何意奄殂增予軫悼爰緬帷堂而賜綬並
稽冊府而易名書祐賢良載隆祀事展祠州郡俾慰民謳飾忠
之典有常篤念之懷無盡於戲浮雲易暮望大江南北而云遙
明水可羞挹湘渚東西而比潔靈如不昧庶克歆承

御賜碑文

大星夕靄忽振南顧之懷逝水江寒長照東征之烈冰木之徵
遽驗彫謝堪傷干城之倚方殷愍遺何靳宜紀青珉之績爰增
丹史之輝爾原任兩江總督一等伯曾國荃豹略探奇鵠原競
爽少騰鬢譽不廢橫經長冠軍鋒偏諳敵愾江鄂之捷烽頻舉
賊燄就衰皖潯之堅穴連平階勦累積比安東之假節鉞命開
府於浙中似征南之下樓船促進軍於江表鼓十盪十決之勇
歷一城一隘而前卒殄渠魁遂蘇塗炭蓋自金陵之負固逋寇
尤多泊乎玉弩之銷芒論功斯偉聯翩圭卣友昆擬方召之榮
駁歷疆圻岳牧重范韓之寄拯晉饑而籌汎粟平粵警而去害

苗迨宗伯之內權仍師干之外綜大江左右是昔年百戰之曾
經使節後先爲當代一門之異數報稱彌矢惟篤棐之竭忱休
沐不言乃採薪之諱疾孰云豐饒遽卽奄殂遺疏驟披軫懷滋
惻報崇有典迭膺俎豆之榮銘誄無忘永煥旗常之色俾後昆
之垂裕詔信史以褒題諡以忠襄慰茲盡瘁於戲緬中興之門
族尙爾候爾伯之綿庥悲長逝於山阿庶不樹不封之表蹟豐
碑長護幽泉用光

入祀賢良祠祭文

朕惟經文緯武者蓋世之通材崇德報功者國家之懋典議諡
旣昭夫忠盡明禋更祀夫賢良爾原任兩江總督一等威毅伯
贈太傅曾國荃騰美膠庠名天府自勵一門之忠孝竟成百
戰之功勲檣艣灰飛等周瑜之燒赤壁樓船風利儼王濬之下
金陵遂膺藩服之崇封特畀上游之重鎮告歸一疏退隱田園
養氣十年博稽墳典泊乎鶴書頻召蜺節重持汎舟實救夫晉
饑授甲潛消乎粵警入參華省辨九儀玉帛之司出領連圻通
萬國梯航之貢建業之江山如畫南州之草木知名方期膏雨
來宣墩著謝公之號何意大星遽隕碑遺羊祜之銘睠彼巖疆

失予賢佐一時都盡沅湘之耆舊彫零千古不磨京國之春秋
受侑於戲股肱作牧常思方召之經猷兄弟升堂遠軼郊祁之
文字靈其未沫尙克歆承

江蘇巡撫剛毅江蘇布政使司布政使鄧華熙江蘇按察使司按察使張國正江蘇糧儲道景雲江蘇候補道汪福安李慶雲錢寶傳吳承潞朱福清沈玉麒方鴻蘇州府知府魁元總捕同知惠榮長洲縣知縣王芝蘭元和縣知縣李超瓊吳縣知縣馬海曙等祭文

嗚呼星落旄頭百戰之山川重秀雲迷箕尾千家之涕淚橫飛
麟閣黯其失暉豹韜悶於大暮遂使犁毗歔泣永裏再造之助
部曲招膺頓切靡依之痛長城彫剝霜冷節樓大樹飄零風淒
幕府吾

宮太保一等伯湘鄉曾公雷精誕稟嶽秀潛鍾爽競韓華允叶

門祥之望香臺貢樹聿翔鬢雋之聲屬當厄運初逢缺徒肇釁
奮豺牙之宓厲沸欲脣吹破鬼膽以驚搖眾皆股弁公迺募立
愼之壺士最操刺之白徒植畫戟於前夙擅穿楊之技鑿凶門
而出竟成棟莠之兵塵清章貢之江雨洗鬱孤之燄維時魯扈
澤麋恣於石城天狗焚杆毒於皖水爰移師龕靖衛隊圍攻無
如內有亡命之精夫拒陣不下外有趣援之劇賊大陣相包雖
當道有羆奚懼陸梁之貉子而傳書無雁難爲急難於鵠原卒
能進墮名城全收悍黨珠鑣鯢愷敢逆顏行金甲受降盡歸手
縛於時狼烟漸熄虎旅載揚合肥相國旣建節於三吳湘陰徹
侯亦會軍於兩淞公獨引金陵爲己任愼石畫以默操以爲不

奪僞都不足以昭功埽穴不殲首惡不足以勩箸禽渠奮斨
不穀之威寓步步爲營之計鬪戎剛於濠畔士效同心舞梁麗
於陣前仙疑飛肉遂乃兆占孟入謠應檀來相驗虎頭建螯弧
以先上帝開龍膊盪蛾賊以全消還十二年淪陷之河山收四
百帳來歸之部落漢儀重覩王腊不更乍卸兜鍪形容頓驚夫
驚黑卽看裨佐骨象悉協乎丹青斯則刊裴岑紀功之碑抗茲
偉烈奏蘭陵破陣之樂懸此豐功已泉乎榮握躬珪便耽芭遜
暫辭牙帳擬賦遂初然而熙天耀日之勳早已輝增彝鼎擻邑
草山之略豈容久痼烟霞馳山右之輶重畀專圻之任趙嶺南
之權丕宣作督之勤一時雁戶啼飢傍戟轅而乞活馬流向化

破鈴闥以輸誠甦六百萬失乳之苗氓共霑覆露仗二十年重
臣之威望坐鎮蠻雲適西鄰偶有違言敢稱干而橫海南服方
資作牧遂移節而臨江虎踞龍蹯是壯歲一戰成功之地鷹瞵
魚睨了元侯九原未竟之心扣囊底而智搜氣吞小醜仰軍中
之令肅魄褫名王由是梅錄蹲循甘心讓席花門棟樑勢面受
盟蓋幾幾乎不啻問君實之起居識子儀之狀貌瞭眈恐後扶
服爭先者矣凡此震今鑠古之首功夙爲輿誦里歌所耳熟無
復覩縷奚假揆張所至難忘者以毅迂疏辱公眄睠獲遂瞻韓
之願得叨御李之榮百粵開藩初隸屬僚之末三吳持節游邀
同列之升猶憶去秋作白下之近遊荷垂青之逾分示衷懷以